




Օ. Ս. ԵԳԱՆՅԱՆ

ԵՐՆՋԱԿԻ Ս. ԿԱՐԱՊԵՏԻ ՎԱՆՔԻ ՀԱՅԵՐԵՆ ՁԵՌԱԳՐԵՐԻ ՀԱՎԱՔԱԾՈՒՆ

Մաշտոցի անվան Մատենադարանի բազմահազարանոց ձեռագրական հավաքածուի բաղկացուցիչ մասերից մեկն է նաև Երնջակի ս. Կարապետի վանքի հայերեն ձեռագրերի հավաքածուն, որը սկզբնավորվել է ԺԴ դարի ութսունական թվականներին՝ վանքի հիմնադրման հետ միաժամանակ:

Թե ինչպիսի ձեռագրեր է բովանդակել հավաքածուն և քանակական ինչպիսի փոփոխություններ է կրել իր ավելի քան հինգհարյուրամյա գոյության ընթացքում, դժվար է ասել, որովհետև չեն եղել կամ չեն պահպանվել համապատասխան ցանկեր ու ցուցակներ:

Վանքիս ձեռագրերի բովանդակության և թվաքանակի մասին այսօր գաղափար կարող ենք կազմել միայն Արիստակես Սեդրակյանի և Մեսրոպ Սմբատյանցի կազմած ցանկերի միջոցով, որոնց և անդրադառնում ենք ստորև:

1. Արիստակես վրդ. Սեդրակյան, Հնութիւնք հայրենեաց ի գաւառին Երնջակայ, Վաղարշապատ, 1872.—Ա. Սեդրակյանը իր սույն աշխատության մեջ՝ «Ձեռագիր մատենանք վանիցս» ենթախորագրի տակ (էջ

26—33) անդրադառնալով վանքի գրատանը եղած ձեռագրերին, գրում է. «Զիք տարակույս, որ այս մենաստանն պիտի հարուստ գրադարան ունեցած լինի... Դժբախտաբար... այժմու ունեցածներն միայն քանի մի հատ ձեռագիր Աստվածաշունչ և Ավետարան են...»: Այնուհետև Ա. Սեդրակյանը Ա.—Թ թվահամարների ներքո համատոտ նկարագրությամբ տալիս է եղած գրչագրերից 9-ի պատկերը՝ 4 «Աւետարան» (№№ Ա.—Դ), 3 «Աստուածաշունչ» (№№ Ե.—Է), 1 «Նարեկ» (№ Ը) և 1 «Մաշտոց» (№ Թ):

Արձանագրված այդ 9 ձեռագրերից 8-ը (№№ Ա., Գ.—Թ) այսօր որոշակիորեն գրանցվում են Մաշտոցի անվան Մատենադարանում (տե՛ս տախտակ Ա): Բացակայում է № Բ ձեռագիրը, որի նկարագրությունը անփոփոխ կերպով բերում ենք ստորև.

№ Բ. «Աւետարան փոքրադիր, ամբողջ գեղազարդ պատկերօք, ընտիր գրչագիր՝ գրեալ ի մագաղաթի: Ունի ի վերջին յիշատակարան ստացողին-Շօնօթեցի Խօջենց Մկրտչի որդի Մահմաթ Հայրապետին, այլ անթուական»:

Ա. ՀԱՄԵՄԱՏԱԿԱՆ ՏԱԽՏԱԿ
ԵՐՆՋԱԿԻ Ս. ԿԱՐԱՊԵՏԻ ՎԱՆՔԻ
ԶԵՌԱԳՐԵՐԻ ՀԻՆ ԵՎ ՆՈՐ
ԹՎԱՀԱՄԱՐՆԵՐԻ
(Ըստ Ա. Սեդրակյանի 1872 թ. ցուցակի)

1872թ.	Մատենադարան		1872թ.	Մատենադարան	
	«Գեորգյան»	Աբղի		«Գեորգյան»	Աբղի
Ա	—	4276	Ձ	784	2732
Բ	—	—	Է	18	2587
Գ	789	3393	Ը	—	4272
Դ	785	5033	Թ	794	3035
Ե	17	2669			

2. Արիստակես վրդ. Սեդրակեան, Յուցակ զարդուց Ս. Կարապետի վանից Երնջակայ, 1892 (տես Մ. Սմբատյանի «Նկարագիր Սուրբ Կարապետի վանից Երնջակայ և շրջակայից նորա», Տփլիս, 1904, էջ 115).— Այս անտիպ գույքացուցակը կազմված է 1892 թվականի նոյեմբերի 28-ին՝ ս. Կարապետի վանքի եկեղեցական սրբությունները էջմիածին տեղափոխելու կապակցությամբ։ Այդ ցուցակում № 117-ի տակ արձանագրված է 1 «Աստուածաշունչ», № 119-ի տակ՝ 2 «Աւետարան» (պայմանականորեն №№ 119ա, 119բ), № 129-ի տակ՝ 1 «Գիրք զանազան պատմութեանց», № 135-ի տակ՝ 1 «Ժողովածու» և № 156-ի տակ՝ 1 «Մաշտոց», ընդամենը թվով 6 ձեռագիր, որոնցից 2-ը (№№ 117, 156) արձանագրված են «Հնութիւնք հայրենեաց»-ի մեջ (№№ 2, Թ), իսկ մնացած 4-ը (№№ 119ա, 119բ, 129, 135)՝ ոչ։ Այդ 6 ձեռագրերն էլ այսօր առկա են Մաշտոցի անվան Մատենադարանում (տես՝ տախտակ)։

Բ. ՀԱՄԵՄԱՏԱԿԱՆ ՏԱԽՏԱԿ
ԵՐՆՋԱԿԻ Ս. ԿԱՐԱՊԵՏԻ ՎԱՆՔԻ
ԶԵՌԱԳՐԵՐԻ ՀԻՆ ԵՎ ՆՈՐ
ԹՎԱՀԱՄԱՐՆԵՐԻ
(Ըստ Ա. Սեդրակյանի 1892 թ. «Յուցակ զարդուց»-ի)

Ա. Սեդրակյան		Մատենադարան		Ա. Սեդրակյան		Մատենադարան	
1898	1872	«Գեորգյան»	Աբղի	1892	1872	«Գեորգյան»	Աբղի
117	2	784	2732	129	—	792	3531
119 ա	—	786	3528	135	—	797	3037
119 բ	—	787	3529	156	Թ	794	3035

Այսպիսով, Արիստակես վրդ. Սեդրակյանը իր 1872 և 1892 թթ. գույք ցուցակներում միասին արձանագրել է 13 ձեռագիր, որոնցից Մաշտոցի անվան Մատենադարանում են գտնվում 12-ը։

3. Մեսրոպ արքեպ. Սմբատեանց, Նկարագիր Սուրբ Կարապետի վանից Երնջակայ և շրջակայից նորա, Տփլիս, 1904.—Մ. Սմբատյանը իր սույն գրքում «Աղքատ մատենադարան Սուրբ Կարապետի վանից» ենթախորագրի տակ (էջ 112—118) խոսելով վանքի գրատան մասին, ասում է. «...շատ աղքատ է վանքիս գրադարանը և հագիվ 4 ձեռագիր գիրք է մնացել...»։ Այնուհետև Ա.—Դ թվահամարների ներքո նկարագրում է այդ 4 ձեռագրերը՝ 1 «Աւետարան» (№ Ա), 1 «Յայտատուրք» (№ Բ), 1 «Նարեկ» (№ Գ) և 1 «Գիրք բնաբանից բարոգիչ վարդապետաց...» (№ Դ)։ Այս 4 ձեռագրերից 2-ը (№№ Ա, Գ) նկարագրված է Սեդրակյանի «Հնութիւնք հայրենեաց»-ի մեջ (№№ Ա, Ը), իսկ մյուս 2-ը (№№ Բ, Դ)՝ ոչ։ Նկարագրված 4 ձեռագրերից 3-ը (№№ Ա, Գ, Դ) այսօր գտնվում են Մաշտոցի անվան Մատենադարանում (տես՝ տախտակ Գ, I պունակ)։ Բացակայում է № Բ ձեռագիրը, որի նկարագրությունը բերում ենք ստորև.

№ Բ. «Յայտատուրք գրչեայ, կիսամաշ, որոյ ստացողն է Տեր Հասիպ բահանայն և Խանայ Յիսային, որը և ՌԺԿԵ (1716) թուին գնել է Մահլազանցի տիրացու Գեորգն»։

Վերոհիշյալ 4 ձեռագրերը կրկին անգամ Մ. Սմբատյանը արձանագրել է «Սուրբ Կարապետի վանքի այժմեան եկեղեցական գրեանքն են» ենթախորագրի տակ (էջ 165—168), ուր դրանք զբաղեցնում են 2, 6, 20 և 23 թվահամարները (տես՝ տախտակ Գ, II պունակ)։ Այստեղ նկատենք, որ այս ցանկում № 6-ի տակ «Գիրք բնաբանից բարոգիչ վարդապետաց»-ի փոխարեն, որը կհամապատասխաներ նախորդ ցանկի № Դ-ին, նշված է «Գիրք զանազան պատմութեանց», մի բան, որ բացարձակ թյուրիմացություն է, քանի որ այն (տես՝ Ա. Սեդրակյանի «Յուցակ զարդուց», № 129), հենց իր՝ Մ. Սմբատյանի վկայությամբ 1892 թվականին տարվել էր էջմիածին։

Սույն 4 ձեռագրերից 3-ը (տես՝ տախտակ Գ, պունակ I Ա, Գ, Դ) երրորդ անգամ Մ. Սմբատյանը արձանագրել է «Յիշատակարանք յիշեալ ձեռագրաց...» ենթաբաժնում (էջ 174—316), ստանց. հերթական թվահամարների։ Այդ 3 ձեռագրերը պայմանականորեն նշանակում ենք [Ա], [Բ], [Գ], [Ա]—էջ 191, [Բ]—էջ 192, [Գ]—էջ

192—193. տե՛ս տախտակ Գ, III սյունակ): Նույն 4 ձեռագրերը չորրորդ անգամը լինելով, Մ. Սմբատյանը արձանագրել է «Ցուցակ յիշատակարանաց ձեռագիր մատենից...» ընդհանուր տախտակի մեջ (տե՛ս 316—317 էջերի միջև եղած ներդիրը)՝ 11, 92, 169 և 184 թվահամարների ներքո (տե՛ս տախտակ Գ, IV սյունակ):

Բացի այս 4 ձեռագրերից, որոնք 1897 թվականին գտնվում էին ս. Կարապետի վանքի գրատանը, նույն տեղում № 71-ի տակ Մ. Սմբատյանը արձանագրել է ևս 1 «Անետարան», որը չի նշված Սեդրակյանի զույգ ցուցակներում (արդի № 3145): Այդ ձեռագիրը 1898 թվականին նվիրաբերված է Խրիսյան Հայրիկին՝ նրա օժման հանդեսի ժամանակ մեծ հավանականությամբ հենց վանահայր Սեդրակյանի ձեռքով (տե՛ս տախտակ Գ, IV սյունակ):

Այս բոլորից դուրս, Մ. Սմբատյանը իր գրքում խոսում է նաև Երնջակի ս. Կարապետի վանքի 3 Աստվածաշնչերի մասին: Այսպես.

— Էջ 115-ում տալով Ա. Սեդրակյանի կողմից 1893 թվականին ըստ «Ցուցակ զարդուց»-ի էջմիածին փոխադրված 6 ձեռագրերի ցանկը (տե՛ս տախտակ Բ) և № 117 ձեռագիրը (արդի № 2732) համարելով առաջին Աստվածաշունչը, գրում է. «Այս վանքից մի ձեռագիր Աստվածաշունչ ևս տարել են էջմիածին՝ հրամանավ... Գեորգ կաթողիկոսի 1876 թվին...»: Նշված Աստվածաշունչը Ա. Սեդրակյանի «Հնութիւնք հայրենեաց»-ի № Ե ձեռագիրն է (արդի № 2669): Այս նույն Աստվածաշնչի մասին Մ. Սմբատյանը խոսում է նաև գրքի 339-րդ էջում (№ Բ) և 347—348 էջերում՝ առանց թվահամարների հիշատակման:

— Էջ 117-ում Մ. Սմբատյանը անդրադառնալով Ա. Սեդրակյանի «Հնութիւնք հայրենեաց»-ի № 2 ձեռագրին, այն համարում է երրորդ Աստվածաշունչը և ավելացնում. «քայց այս երրորդ Աստվածաշունչը չերևի ի միջի...»: Սմբատյանը թյուրիմացության մեջ է, որովհետև № 2 ձեռագիրը «Ցուցակ զարդուց»-ի նույն № 117 ձեռագիրն է (արդի № 2732): Իրականում թվով երրորդ Աստվածաշունչը «Հնութիւնք հայրենեաց»-ի № Է ձեռագիրն է (արդի 2587), որը նույնպես 1876 թվականին էջմիածին տարված լինելով, չի մտել և չէր կարող մտնել «Ցուցակ զարդուց»-ի մեջ:

Նշված երեք Աստվածաշնչերը՝ հին և նոր թվահամարների մեր կազմած համեմատական տախտակում դյուրությամբ արտահայտելու համար (տե՛ս տախտակ Գ, V սյունակ), պաշտանականորեն նշանակում ենք

[Ա], [Բ], [Գ] թվահամարներով ([Ա]—2669, [Բ]—2732, [Գ]—2587):

Այսպիսով, Մ. Սմբատյանը Երնջակի ս. Կարապետի վանքի գրատան ձեռագրերից իր գրքում արձանագրել է 8-ը, որոնցից 4-ը (տե՛ս տախտակ Գ, սյունակ I, II, III և IV) 1897 թվականին գտնվում էին տեղում, իսկ մնացած 4-ը՝ էջմիածնում: Այդ 8 ձեռագրերից 5-ը արձանագրված են Ա. Սեդրակյանի զույգ ցուցակներում, իսկ մնացած 3-ը՝ ոչ:

Գ. ՀԱՄԵՄԱՏԱԿԱՆ ՏԱԽՏԱԿ
ԵՐՆՋԱԿԻ Ա. ԿԱՐԱՊԵՏԻ ՎԱՆՔԻ
ՉԵՌԱԳՐԵՐԻ ՀԻՆ ԵՎ ՆՈՐ
ԹՎԱՀԱՄԱՐՆԵՐԻ
(Ըստ Մ. Սմբատյանի «Երնջակ»-ի)

«Երնջակ»						Սեդրակյան	Մատենադարան
I	II	III	IV	V	VI	1872	1892
էջ 112—118	էջ 163—168	էջ 191—193	էջ 316—317 հերթիք	էջ 115, 117 339, 347	էջ 112—118	«Պետրոսյան» հավաքածու	Արդի
Ա	2	[Ա]	11	—	Ա	—	4276
Բ	20	—	169	—	—	—	—
Գ	23	[Բ]	184	—	Բ	—	4272
Դ	6	[Գ]	92	—	—	—	4421
—	—	—	71	—	—	—	852
—	—	—	—	[Ա]	Ե	—	3145
—	—	—	—	[Բ]	Զ	17	2669
—	—	—	—	[Գ]	Ը	117	784
—	—	—	—	—	Թ	18	2732
—	—	—	—	—	—	—	2587

Այսպիսով, Ա. Սեդրակյանն ու Մ. Սմբատյանը միասին Երնջակի ս. Կարապետի վանքում տեսել և արձանագրել են ընդամենը 16 ձեռագիր, որոնցից 14-ը գտնվում են Մաշտոցի անվան Մատենադարանում (տե՛ս տախտակ Դ), իսկ մնացած 2-ի որ լինելն առայժմ մեզ հայտնի չէ: Ամփոփելու դեպքում կունենանք հետևյալ պատկերը.

№ ձ/դ	Ըստ ցուցակի	Քանակ	Առկա	Բացակա
1.	Ըստ «Հնութիւնք հայրենեաց»-ի	9	8	1
2.	Հավելյալ «Ցուցակ զարդուց»-ում	4	4	—
3.	Հավելյալ «Երնջակ»-ում	3	2	1
	Ընդամենը	16	14	2

Առկա 14 ձեռագրերը (տե՛ս տախտակ Դ)՝ Մատենադարան եւ մուտք գործել 1876--1910 թվականների ընթացքում, այդ թվում 2-ը (ՆՆՆ 2587, 2669)՝ 1876-ին Գևորգ Դ-ի կարգադրությամբ, 6-ը (ՆՆՆ 2732, 3035, 3037, 3528, 3529, 3531)՝ 1893-ին ըստ 1892 թվականին կազմված «Ցուցակ զարդուց»-ի, 2-ը (ՆՆՆ 3033, 3145)՝ նույնպես 1893-ին, բայց «Ցուցակ զարդուց»-ից անկախ, իսկ մնացած 3-ը (ՆՆՆ 4272, 4276, 4421)՝ 1910-ին Մ. Սմբատյանցի միջոցով:

Ստորև բերվող տախտակը ամփոփում է ողջ շարադրանքը (տե՛ս տախտակ Դ):

Դ. ՀԱՄԵՄԱՏԱԿԱՆ ՏԱԽՏԱԿ
ԵՐՆՋԱԿԻ Ս. ԿԱՐԱՊԵՏԻ ՎԱՆՔԻ
ՋԵՌԱԳՐԵՐԻ ՀԻՆ ԵՎ ՆՈՐ
ԹՎԱՀԱՄԱՐՆԵՐԻ

Մատենադարան		Սեղրակյան		Մատույանց - «Երնջակ»					
Արդի	«Գևորգյան» հավաքածու	«Նոր, բիւնք հավաքածու» 1872	«Ցուցակ զարդուց» 1892	I 112-117		II 163-168		III 191-193	
				I	II	I	II	I	II
2587	18	Է	—	—	—	—	—	—	[Գ]
2669	17	Ե	—	—	—	—	—	—	[Ա]
2732	784	Զ	117	—	—	—	—	—	[Բ]
3033	785	Գ	—	—	—	—	—	—	—
3035	794	Թ	156	—	—	—	—	—	—
3037	797	—	135	—	—	—	—	—	—
3145	852	—	—	—	—	—	—	71	—
3393	789	Գ	—	—	—	—	—	—	—
3528	786	—	119 ^ա	—	—	—	—	—	—
3529	787	—	119 ^բ	—	—	—	—	—	—
3531	792	—	129	—	—	—	—	—	—
4272	—	Ը	—	Գ	23	[Բ]	184	—	—
4276	—	Ա	—	Ա	2	[Ա]	11	—	—
4421	—	—	—	Դ	6	[Դ]	92	—	—
—	—	Բ	—	—	—	—	—	—	—
—	—	—	—	Բ	20	—	160	—	—

